



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Clotharii Regis Constitvtio Generalis.

urn:nbn:de:hbz:466:1-15324

CLOTHARII REGIS
CONSTITVTIO GENERALIS.

Chlodacharius rex Francorum omnibus agentibus.

VSVS est clementiæ principalis, necessitatem prouincialium vel subiectorum sibi populorum prouida sollicitius mente tractare, & pro quiete eorum quæcumque iuste sunt obseruanda indita in titulis constitutione conscribere: quibus quantum plus fuerit iustitiæ atque integritatis impensum, tantum prouius amor deuotionis incumbit. Ideoque per hanc generalem auctoritatem præcipientes iubemus, vt in omnibus causis antiqui iuris norma seruetur, & nulla sententia a quolibet iudicum vim firmitatis obtineat, quæ modum legis atque æquitatis excedit. In parentum ergo successione quidquid legibus decernitur, obseruetur, omnibus contra impetrandi aliquid licentia derogata: quæ si quolibet ordine impetrata fuerit vel obtenta, a iudicibus repudiata, inanis habeatur & vacua. Si quis in aliquo crimine fuerit accusatus, non condemnetur penitus inauditus: sed si in crimine accusatur, & habita discussione fuerit fortasse conuictus, pro modo criminis sententiam excipiat ultionis. Inter Romanos negotia causarum Romanis legibus præcipimus terminari. Si quis auctoritatem nostram subreptitiæ contra legem elicuerit fallendo principem, non valebit. Si iudex aliquem contra legem iniuste damnauerit, in nostri absentia ab episcopis castigetur; vt quod perperè iudicauit, versatim melius discussione habita emendare procuret. Nullus per auctoritatem nostram matrimonium viduæ, vel puellæ, sine ipsarum voluntate præsumat expetere; neque per suggestiones subreptitias rapiantur iniuste. Sanctimonialis nullus sibi in coniugium audeat sociare. Vt auctoritates cum iustitia & lege competente in omnibus habeant stabilem firmitatem, nec subsequenter auctoritatibus contra legem elicitis vacuentur. Vt oblationes defunctorum ecclesiis deputatæ nullorum competitionibus auferantur, præsentem constitutione præstamus. Agraria, pascuaria,

Concil Tom. 12.

Aaaa ij

vel decimas porcorum, ecclesiæ pro fidei nostræ deuotione concedimus: ita vt actor aut decimator in rebus ecclesiæ nullus accedat, ecclesiæ vel clericis nullam requirant agentes publici functionem, qui aui, vel genitoris, aut germani nostri immunitatem meruerunt. Quæcumque ecclesiæ vel clericis, aut quibuscumque personis, a gloriosæ memoriæ præfatis principibus munificentia largitate conlata sunt, omni firmitate perdurent. Quidquid ecclesiæ, clerici, vel prouinciales nostri, intercedente tamen iusto possessionis initio, per triginta annos inconcusso iure possedisse probantur, in eorum ditione res possessa permaneat: nec actio tantis æui spatiis sepulta ulterius contra legum ordinem sub aliqua repetitione consurgat, possessione in possessoris iure sine dubio permanente. Prouideat ergo strenuitas vniuersorum iudicum, vt præceptionem hanc sub omni obseruatione custodiant: nec quidquam aliud agere aut iudicare, quam vt hæc præceptio secundum legum Romanarum seriem continet, vel sexus quarundam gentium iusta antiqui iuris constitutione olim vixisse dinoscitur, sub aliqua temeritate præsumant.

NOTÆ IACOBI SIRMONDI
SOCIETATIS IESV.

¹ *Clotharii regis constitutio.*] Duo huius constitutionis exemplaria vidimus: vnum e monasterio Corbeiensi, quod in editione nostra secuti sumus: alterum e bibliotheca Tiliana, quod fuerat olim monasterii Corbionensis, id est Blesensis sancti Launomari.

² *Omnibus agentibus.*] Tilianus, *omnibus comitibus.* item paulo post: *sibi omnium populorum.* & rursus, *quæcumque iusta sunt.* & infra, *incumbent.* item, & *inanis habeatur.*

³ *Aut germani nostri.*] Hæc absunt a Tiliano. Ambigi autem hoc loco iure queat, si ad Clotharium I. referatur constitutio, quemnam auum suum vocet, qui clericis immunitatem concesserit: si ad Clotharium II. eequem dicat germanum.